



Future-proofing our children

Sikolo sa la Sunda: 2

Toho ya Tuto

Jeus u bulela ka za ku tusa babamwi / ku tusana

Buka ya Bashemi

Sikolo sa la Sunda sa mwa malapa



Balatiwa Bashemi

Mu amuhelwa kwa tuto ya “**Jeus u bulela ka za ku tusa babamwi / ku tusana**” ya sikolo sa banana sa la Sunda 2. Pampili ye, imi tusa hainyani ka mo, muswanel ku fela tuto ye:

Mo muswanela ku itukiseza ni fa tuto ye

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kena fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	<p>Mu be ni lisebeliso ze tatama kuli mu kone ku tukiseza kufa hande tuto:</p> <ul style="list-style-type: none"> • Bibebe • Ma pampili a likisizwe kale a tuto ye. • Buka mwa sebeleza mwanana, lopitoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa lotopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba ahulu mwana mina ni ku fita.</p> <p>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</p> <p>2.3: Lituto li kau hanyizwe ka itopa (Sikolo sa la Sunda, Taelo ya silumeli ni Tiisezo - SS1, RI1 or Confirmation).</p> <p>2.4: Mulizeze kapa ku ikopanya ni muluti wa ba sikolo sa la Sunda ha mu tokwa tuso kwa lisebeliso ze bulezwi.</p>
3.	Mu lapele (Mubone tapelo ye ñozwe, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela Yena.
4.	<p>Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana.</p> <p>Ka mutala: Mu ine fa lishasha/ fa museme kapa fa lipula ku potoha tafule</p>
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa Malapa

Mo kuswanehela ku itukiseza ni fa tuto ye


Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunnda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha ku amana in Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amanwi a sikolo sa la sunnda.
2. Mu ambole ni bashemi ba banwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zemwi ku amana ni tuto ye.
4. Muongaongi ni muluti wa sikolo sa la Sunda mwa kopano yamina ba teni kuli bami tuse.





Tuto

Toho ya Tuto	Jeus u bulela ka za ku tusa babamwi / ku tusana
Timana ya Bibe	Mateu 9: 37-38 ni Mateu 20: 1-16
Mutomo/ butokwa bwa tuto	Banana ba ituta kuli Jesu ufa mupuzo ku bao ba ba sephala ni ba ba tusa.

Tuto ye kusufalizwe:

- Cwale Jesu a zamaya a potela litolopo ni minzinyana. A luta mwa masinagoge a bona, a bulela litaba ze nde za mubuso wa Mulimu, mi a folisa batu kwa matuku ni makulanu a mifuta-futa
- Jesu ha bona buñata bwa batu, a ba shwela makeke
- Cwale Jesu ali kwa balutiwa ba hae: “Kutulo (ku talusa fone lifita licalano mwa simu) ki ye tuna luli, kono bakutuli (ku talusa babeleki) ki ba banyinyani. Kabakaleo, mu lapele muña kutulo kuli a lume bakutuli ba bañata ku to kutula.”
- Tuto ya kacenu ki ya Jesu ha na bulela za likande la Mulimi ya na ile ku yo bata batu ba ba ka beleka mwa simu ya hae lizazi li li liñwi
- Jesu ali: Muña simu na pakelezi ku yo bata batu ba ba ka beleka mwa simu ya hae . A lumelana ni bona ku ba holisa mali a likana muholelo wa lizazi li li liñwi.
- Kiha ya hape mi a bona banna ba ba ne ba itulezi feela ku sina sene ba eza. A li ku bona, “A mu ye mu yo beleka mwa simu ya ka ya veine, mi ni ta mi holisa ka swanelo”. Ba lumela mi bayo sebeza mwa simu ya veine. Kwa ba cwalo mane ku fitela nako ya ku kotoka ha se isutelezi.
- Kwa mafelelezo alizazi babeleki ba ne ba kalile musebezi kwa mafelelezo, ba lifwa mali a bona pili, ni ku feleleza ka babeleki ba ba ne ba keni pili.
- Kaufela bona ba fiwa mali a likana ni a ba bañwi ni hane basa swani kwa nako ni musebezi one ba ezize.
- Babeleki be ne ba belekile ku nze ku cisa lizazi kaufela ba ikutwa kuli ne ba sika ezwa ka swanelo.
- Muñ'a simu a alaba, a li, “Utwa, mulikani. Ha ni si ka ku puma, kakuli ne lu lumelani kuli u ka sebeleza mali a lizazi li li liñwi. U nge mali a hao, mi u ikele kwa hae. Ni lata ku fa mubeleki wa mafelelezo mali a likana ni ao o ni ku file. Kana ha ni lukeli ku eza mo ni latela ka mali a ka, nji? Kamba u shwa muna kabakala bufani bwa ka? ”



Kanti tuto ye ilu luta sikamañi kacenu?

- Mulimu ki Muña simu mi simu ya veine i bapanywa ni luna kaufela ba ba swanela ku puluswa, ili kuli lu yo kena mwa mubuso wa Mulimu ni ku yo amuhela mupuzo wa bupilo bo busafeli.
- Lu lutilwe kuli sa butokwa ki kuli lu be ba baitukisize ku tusa mwa musebezi wa puluso, lituwelo ni hali kaba ze sa swaneleli.
- Lu swanele ku itumela ni ku taba kuli lu kalulo ya musebezi wa puluso woo, ni kuli lu kona ku tusa kwa ku feleleza musebezi wa Mulimu.
- Lu swanela ku tusa ka ku lata Mulimu ni musebezi wa hae.
- Ha lu swaneli ku hupula kuli luna ni ze luna ni zona/ ze lu sweli, bakeñi sa likezo za luna- Kamba ka kuli lu li belekezi.
- Ha kuna ya swanela ku bani muna kakuli mupuzo ki omutuna ku fita ze lu swanela. Lu swanela ku beya sepo ya luna kwa sishemo sa lilato sa Mulimu.
- Ha kuna taba kamba ungile nako ye fita kai inge u tusa mwa musebezi wa Mulimu, mupuzo ki wo likanelezi/ swanelezi ku yomuñwi ni yomuñwi.

Lu kona ku tusa cwañi mwa musebezi wa Mulimu?

Ku lika ku eza tato ya Mulimu ni ku ikambusa kwa bumaswe.

- Ku bulelela ba bamwi kaza linzwi la Mulimu ni tumelo ya luna.
- Ku lapelela ba bamwi, ku itapelela ni ku lapelela ku fela kwa musebezi wa Mulimu.
- Ku ba mwandu ya Mulimu nako ni nako ka ku eza musebezi mwa keleke.
- Ku tisa tabo mwa ndu ya Mulimu ka kuba ni silikani ni ku ba ya itukiselize ku tusa.
- Ku lika ka nako ni nako ku ba ni sanda/kalulo mwa musebezi wa Mulimu.





Mu eze musebezi wa pili ni wa bubeli (1 ni 2) ni mwana mina.

Kalabo kwa musebezi wa pili (1):

“Kono ba ba lukile ba pila kuya kuile; mupuzo wa bona ni wona u inzi ni Mulena, mi pabalelo ya bona i inzi ni ya pahami”

Lipuzo zemwi ze lukona ku buza:

1. Ki ka kai mwa Bibeke mo kuñozwi ka za nguli ya babeleki mwa simu?

Kalabo: Mateu 20: 1-16

2. Mateu 9: 37-38 ilu taluseza sika mañi kacenu?

Kalabo: Ku nani myoyo ye miñata ye swanela ku kubukanywa ni ku lukisezwa mubuso wa ndate, kono babeleki ki ba bainya.

3. Mupuzo wa luna wa ku eza musebezi wa Mulimu ka tumelo ni lilato ki ufi?

Kalabo: Bupilo bo bu safeli.

4. Mupuzo wa mwana Mulimu ya sebelize musebezi wa Mulimu lilimo ze Lishumi (10) ni wa mwana Mulimu ya sebelize musebezi wa Mulimu lilimo ze mashmi a mabeli (20) ki ufi?

Kalabo: Bupilo bo bu safeli – ki nto ye swana.

5. Mwa nguli ya babeleki mwa simu, muña simu u yemela sika mañi?

Kalabo: Mulimu

6. Jesu na bata ku toloka sika mañi mwa nguli ye?

Kalabo: Ku luka kwa Mulimu, lilato, sishemo ni kufana.




Notes



Tapelo ya bo Ndate ni Boma ye fiwa pili tuto isi ka tateka:

*Mulimu ya lateha. Lwa itumela kwa lizazi la kachenu
Fuyola bashemi ni banana ba luna
Tusa kuli lukone ku lemuha ku bateni kwa Hao
Fuyola tuto ye lu taba ni yona
Lwa kupa, ulu lute mo lu swanela kuku sebeleza
Mi ulutuse ku eza tato ya Hao
Kuli lu hule mwa kuba bukaufi ni Wena
Luma Jesu ato lunga
Mi ulutuse kuba baba itukiselize ku mukatanyeza*

Amen

 Notes

Tapelo ka sa mulaho wa tuto:

*Ndate ya kwa lihalimu ya lateha
Lwa itumela kwa kulu bukeleza.
U nituse ni be ni musa kwa batu kaufela.
Na itumela kuli u mulisani yo munde ya lu lata, ni ku luzamaisa.*

Amen